



გ ა ნ ჩ ი ნ ე ბ ა საქართველოს სახელით

საქმე №3ბ/868-11

06 ივნისი, 2011 წელი
თბილისი

თბილისის სააპელაციო სასამართლოს ადმინისტრაციულ საქმეთა პალატამ

მოსამართლე – მერაბ ლომიძე

აპელანტი – შპს „სპეცაგტომეურნეობა”;

მოწინააღმდეგე მხარეები – საქართველოს ოკუპირებული ტერიტორიებიდან იძულებით გადააღგილებულ პირთა, განსახლებისა და ლტოლვილთა სამინისტრო; 2. სსიპ საქართველოს ტექნიკური უნივერსიტეტი; 3. შპს სასტუმრო „უშბა”;

მესამე პირი – საქართველოს ფინანსთა სამინისტრო;

გასაჩივრებული გადაწყვეტილება – თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 07 მარტის გადაწყვეტილება;

დაგის საგანი – თანხის ანაზღაურება;

ზეპირი მოსმენის გარეშე განიხილა სასამართლო შეტყობინების საჯაროდ გავრცელების საკითხი და

საქმის გარემოებებთან დაკავშირებით მითითება:

თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 07 მარტის გადაწყვეტილებით მოსარჩელე „შპს „სპეცაგტომეურნეობა”ს სარჩელი არ დაკმაყოფილდა.

თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 07 მარტის გადაწყვეტილება სააპელაციო წესით გასაჩივრებული იქნა შპს „სპეცაგტომეურნეობა”ს წარმომადგენლის მარინე კორძაძის მიერ.

თბილისის სააპელაციო სასამართლოს ადმინისტრაციულ საქმეთა პალატის 2011 წლის 18 მაისის განჩინებით სააპელაციო საჩივარზე დადგენილი იქნა სარგები სახელმწიფო ბაჟის გადაუხდელობის გამო.

თბილისის სააპელაციო სასამართლოს ადმინისტრაციულ საქმეთა პალატის 2011 წლის 24 მაისის განჩინებით შპს „სპეცაგტომეურნეობა”ს სააპელაციო საჩივარი წარმოებაში იქნა მიღებული და დაინიშნა ზეპირი განხილვა.

საქმის მასალებით დადგენილია, რომ მოწინააღმდეგე მხარე ს.ს. „უშბა”ს გაეგზავნა სააპელაციო სასამართლოს შეტყობინება მაგრამ ვერ ბარდება, ვინაიდან მითითებულ მისამართზე ადრესატი ვერ იქნა მოძიებული.

სააპელაციო სასამართლო განმარტავს, რომ საქართველოს სამოქალაქო საპროცესო კოდექსის 369-ე მუხლის თანახმად დასაბუთებული გადაწყვეტილების გადაცემის მომენტად

ითვლება დასაბუთებული გადაწყვეტილების მხარისათვის ჩაბარება ამ კოდექსის 70-ე გ მუხლების შესაბამისად.

საქართველოს სამოქალაქო საპროცესო კოდექსის 70-ე მუხლის თანახმად მხარეს ან მის წარმომადგენელს სასამართლო უწყებით ეცნობებათ სასამართლოს სხდომის ან ცალკეული საპროცესო მოქმედების შესრულების დრო და ადგილი. უწყება მხარისათვის და მისი წარმომადგენლისათვის ჩაბარებულად ითვლება, თუ იგი ჩაბარდება ერთ-ერთ მათგანს ან ამ კოდექსის 74-ე მუხლის გათვალისწინებულ სუბიექტს. წარმომადგენელი ვალდებულია, უწყების ჩაბარების შესახებ აცნობოს მხარეს.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან გებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეოთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

სააპელაციო სასამართლოს მიაჩნია, რომ მოწინააღმდეგე მხარეს – ს.ს., „უშბა”ს თბილისის სააპელაციო სასამართლოს შეტყობინება უნდა ეცნობოს საჯარო შეტყობინების გზით, კერძოდ თბილისის სააპელაციო სასამართლოს გებგვერდზე (www.tbappeal.court.ge) და სასამართლოს საინფორმაციო დაფაზე განთავსებით, ვინაიდან სასამართლო შეტყობინების ჩაბარება სხვაგვარად ვერ ხერხდება.

სააპელაციო პალატამ იხელმძღვანელა საქართველოს ადმინისტრაციული საპროცესო კოდექსის პირველი მუხლით, საქართველოს სამოქალაქო საპროცესო კოდექსის 372-ე, 78-ე, მე-200 და 284-285-ე მუხლებით და

დ ა ა დ გ ი ნ ა:

1. ადმინისტრაციულ საქმეზე №3ბ/868-11, მოწინააღმდეგე მხარეს – ს.ს., „უშბა”ს სასამართლო შეტყობინების საჯაროდ გავრცელების საშუალებით ეცნობოს, რომ შპს „სპეცავტომეურნეობი”ს სააპელაციო საჩივრის ზეპირი განხილვა, თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 07 მარტის გადაწყვეტილებაზე, დანიშნულია თბილისის სააპელაციო სასამართლოში 2011 წლის 23 ივნისს, 13:00 საათზე, სხდომის დარბაზი №1 (თბილისი, გრ. რობაქიძის გამზ. №7^o);
2. სხდომაზე დასაბარებელი პირი გაფრთხილებულ იქნას, რომ არასაპატიო მიზეზით გამოუცხადებლობის შემთხვევაში, სასამართლო მათ დაუსწრებლად გამოიტანს გადაწყვეტილებას საქმეში არსებული მასალების და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით; სასამართლო განჩინება საჯაროდ განთავსდეს თბილისის სააპელაციო სასამართლოს გებგვერდზე (www.tbappeal.court.ge) და სასამართლოს საინფორმაციო დაფაზე.
3. სასამართლო შეტყობინება მხარისათვის ჩაბარებულად ითვლება თბილისის სააპელაციო სასამართლოს გებგვერდზე და სასამართლოს საინფორმაციო დაფაზე განთავსებიდან მე-7 დღეს.
4. განჩინებაზე კერძო საჩივრი არ დაიშვება.